

Prvi zamjenik visokog predstavnika Hearne sastao se sa glavnim tužiteljem Haškog tribunala i Mehanizma za Međunarodni krivični sud Brammertzom



Prvi zamjenik visokog predstavnika Dennis W. Hearne danas se u Sarajevu sastao sa glavnim tužiteljem Međunarodnog krivičnog suda za bivšu Jugoslaviju i Mehanizma za međunarodni krivični sud, Sergeom Brammertzom, koji se nalazi u oproštajnoj posjeti BiH u svojstvu glavnog tužitelja Suda.

U toku sastanka, prvi zamjenik Hearne i glavni tužitelj Brammertz su se složili da je pravda od suštinskog značaja za pomirenje. Imajući to na umu, prvi zamjenik Hearne rekao je da veoma cijeni rad Tužiteljstva, a posebno doprinos Haškog tribunala razvoju međunarodnog prava.

“Budući da se mandat Tribunala krajem ove godine približava kraju, drago mi je da će gospodin Brammertz preuzeti mjesto tužitelja u Mehanizmu za Međunarodni krivični sud, dovesti do kraja preostale otvorene predmete Suda i očuvati doprinos Međunarodnog suda u razvoju međunarodnog prava. Haški tribunal je imao ključnu ulogu u procesuiranju ratnih zločina i dovođenju počinitelja pred lice pravde. Kako bi se ispoštovalo

to nasljeđe, moramo osigurati da u Bosni i Hercegovini imamo jake i sposobne institucije koje će samostalno i profesionalno rješavati slučajeve ratnih zločina," rekao je prvi zamjenik visokog predstavnika Hearne.